



湘南游草序

泰順董子霞樵始獲交於杭州崇福禪院讀其詩原本
性靈雋永有意味與往還者久之後余之江淮之齊魯
之京師十餘年不相聞每與友朋談及未嘗不念羅陽
有詩人焉霞樵別後嘗從鯨堂師游東安復之西蜀爲
李百農方伯商訂詩文命學使延之幕中交游益衆見
聞益廣江山磅礴之氣入其胸中涌其筆下悉見於詩
癸未歲自四川歸余適自京師至把手狂喜共叙契濶
出其湘南游草屬余爲序詩不虛作凡所抒寫本之以
性情緯之以新色霞樵之詩於是乎變而益上矣而余

湘南游草序

有進焉以霞樵之學之才宜乎見用於世不但以詩鳴
或者和聲鳴盛與臬颺夔拊廣歌於廟堂之間雍容揖
讓鼓吹承平此其宜也乃徒託諸弔古懷人之作自寄
其抑鬱無聊之意激昂慷慨情見乎辭余讀其詩未嘗
不望其進也因序之爲他日請念焉永嘉周衣德再拜
此序作於十年前今讀

霞樵之詩美矣備矣知前說尚未窺涯涘也因綴以詩
十年不讀霞樵集愈唱愈高格律堅漫序湘游羅敷
澤鷓鴣寥廓近蒼天

戊戌九月二十有七日藕農德未定稿

館詩稿目錄

泰順董旂霞樵

子婿盧贊周翼亭校刊

卷之一

別家作五首

甲戌

舟中清明

過青田懷端木子羹

縉雲遇雨

龍游江上

西安小泊

夜抵常山

太霞山館詩稿

目錄

玉山道中二首

雨舟上巳登廣信城樓

汪公子星石

鎮光

招同復齋夫子信江書院亭子

小酌

雨泊弋陽

謝文節祠

楊柳曲二首

舒家港阻風

仙人橋

望龍虎山

青蓮寺

順風過南昌望滕王閣作

澤國謠

豐城

江村婦

清江

自新淦至峽江境內山色甚佳

過分宜橋

傳爲明嚴相建

望鈴山

嚴相讀書處

宜春縣懷鄭都官

太霞山館詩稿目錄

哀先生祠

西邨

水輪行

搓壩篇

蘆溪市傍有宋周濂溪夫子監稅處碑

萍鄉

玉女岡

晚泊湘潭登湘陽樓

長沙書感

月夜

屈賈祠

賈誼故宅

登天心閣

重泊湘潭

江行卽目

衡山

望嶽

衡陽

泊歸陽驛

浯溪懷元次山

大霞山館詩稿目錄

泊祁陽

湘竹詞

零陵江上見巨石甚奇

抵東安

端陽席上有感

頽桐花

并序

高山寺

夾竹桃

盛夏苦旱晚登高山頂放歌

夏夜獨坐

強忠烈明府劉忠義少尉殉難詩并序

徐節烈恭人殉節詩

諸葛臺晚眺

送人之零陵

兩頭纖纖曲七夕作五首

遊幽巖洞

雨夜

郊遊

待月

中秋賞月醉後作歌

大霞山館詩稿目錄

四

十七夜月色甚佳忽爲雲掩

卷之二

秋夜有懷

登樓

謝人送菊

夜坐憶家

秋曉

重登諸葛臺

東堂夜思

念子

秋寒

秋夜懷張情齋

觀劇戲作四首

四十初度客中自遣

初冬書懷寄故鄉知好四首

朔氣

井房曲

并序

冬月書懷

雪

高山寺看雪

太霞山館詩稿

目錄

客鳥吟

冬至後一日懷潘養長

觀官齋雙鶯有感

夢晤家眉伯明府次日登城東樓作

憶梅

雪夜不寢沽酒獨酌

交年日作

立春夜作

元日客中遣懷

乙亥

元夜客思

送顧春原歸長沙

書家信後示長兒疇次兒暉

社後作

晚溺歌爲周二文熙鑑作

講舍書懷

暮雨

東安竹枝詞六首

高山寺晚過

上巳遊觀音厓

辛夷花

大霞山館詩稿目錄

尋春

湘浦思家

咏蕨 并序

晚春新晴城西小步

深院

東安城郭春望

晚春卽興

初夏病起

禦苗行爲徐香莊

大綸

贊府作

感懷

古意

舊溪

五日書感

雨夜

立秋前一日書懷

聞笛

中元

涼風

瀟湘江水歌

聞菴

太霞山館詩稿

目錄

七

思歸

紫薇花

憶西湖寄周大文齋林七東岑

雁

頽桐花

獨夜

牕前植馬蓼數枝七八月間幽花簇簇引人秋思

中秋

秋夜夢故園木犀盛開早起感懷有作

周二憲桃賦謝

得里中親友書

得周藕農林石笥都下書寄懷

短歌行擬顧逋翁二首

行路難

暮秋感興二首

秋怨

瀟湘樓懷端木鶴田

搖落

登樓

題蔣徵士

瀛

厚山心竹軒詩集並以寄柬

太霞山館詩稿

目錄

八

登迴龍塢放歌

江樓秋禊

飛觀

徐香莊贊府惠畫賦謝

題香莊贊府畫八首

擬古

寒月

雪中感懷

送僕十八韻

蠟梅

除夕病中遣懷

元旦喜晴 丙子

觀迎春作

驚蟄日大雪

感懷

孤雀三十二韻

春日野步

客思

春寓感懷

送人歸里

太霞山館詩稿 目錄

暮春寓齋聞樂

杪春飲鄧氏宅賞花觀劇醉後戲作

春暮苦雨

阿環

王母

龍女

初晴登瀛橋晚望

見月

晨鐘

四男董 盼少霞

甥孫盧齊璟功甫

全校

泰順董旂霞樵著

婿盧贊周翼亭校刊

湘南游草

別家作五首 甲戌

離家已五旬歸家纔二日轉瞬卽清明望空銜恤營
營夫何爲將鼓楚天棹吾師曾明府剖符膺劇邑夙昔
蒙盼矚獎價逾連璧特開蓮幕紅攜泛湘江碧十年舊
師生一朝新主客依人良獨難傾身詎爲得所恃道義
深諒匪賤貧褻因之決計行匆匆理輕策自笑可憐蟲
年年常遠出

太霞山館詩稿卷一

頭顱已四十碌碌無一成翻從五千里依人事長征長
征何足戚所嗟二毛生靜念古人禮強與仕相并崔浩
三十八致身已公卿王溥罷相時長我纔二齡伊人綬
早紫而我衿猶青况復爲一飽僂俛作遠行窮達固有
命念之傷中情

楚天渺何許分星應軫翼自古風騷藪亦稱山水窟行
行適彼都想屆清和節朝探衡嶽雲夕攬洞庭月湘江
清且深芳草亦未歇寧離碧岸幽翠若芳洲濶薦之三
閭祠兼及賈生室吾生故多愁略與二子匹庶幾千載
上精靈可相接猶勝守蝸廬書空呼咄咄登覽樂有餘

遠遊豈真樂政爲貧所逼吾生席餘蔭衣食良足給急
難託鴿原鹵莽司出入聚鐵鑄大錯旣成不可易而我
踏文場屢戰還屢比蘇季貂已敝劉幾帛仍勒骨肉起
暄涼戶庭生荆棘風裂雁行宇雨薦棗華色析居有入
口立家徒四壁薄俗賤爲儒志士恥苟得架上星星字
縱煮不可食嬌癡小兒女晨夕抱鐙泣顧之中心焚焰
焰不得息平生有微尙誠靡饑寒卹原子歌決屢榮叟
樂帶索自古有此賢烏足長戚戚不圖乃坐此拊髀輕
一出固窮正未能喟焉愧前哲

太霞山館詩稿

卷一

二

僕夫已整駕門外馬長嘶再拜與母別聲咽難致辭兒
女牽我衣左右相迫隨啞啞懷中孩猶欲索抱持顧之
不忍舍欲行還遲遲好語相慰藉揮手從此辭滿貯兩
眼淚暗向車中垂好鳥戀舊巢名花開故枝男兒去故
鄉安得不含悲何日得薄田結廬南山陲晝晴荷鋤出
夜靜橫經披天倫安吾樂百年無別離

舟中清明

山邨風送紙錢輕處處鳴鈺上古塋自歎頻年常作客
鴨頭船裏又清明

曉起江亭幽風禽嘯清唳潮聲遠漸微澄潭近若空日
薄山光浮江涵城影重煙林鶴自飛雨壟芝誰種楚天
我且征燕市子已鞅榮利各有役艱辛良此共懷人心
空勞望廬目屢送春風攬難贈停雲感且諷良會復何
時今宵儻同夢

縉雲遇雨

急雨西山來忽遍東溪峰溪山不可辨但見青濛濛微
茫見樓觀潺湲聞飛淙筍輿歷陂陀性命託兩傭居然
學神虬游戲波濤中須臾出山外雨霽煙亦空回首望
天半千尺垂長虹

太霞山館詩稿

卷一

三

龍游江上

回首鄉關心事遠垂堤怕見柳依依春光漸老催華髮
天氣微暄試袷衣姑蔑城邊鶯亂語定陽江上鰕初肥
思量不及元真子泛宅浮家是處歸

西安小泊

三衢形勢古名州百雉霞騫據上游試向女樓舒望眼
白雲深處是東甌

夜抵常山

三里灘頭換小艘遙林已聽暮鐘樅一天暝色城南路
漁火星星映碧江

百里垂楊道遙看似掌平今朝驢背上真向玉山行
八省此通衢輪蹄日相接一髮暮山青當年隔楚越

雨舟上已登廣信城樓

孤舟有客惜韶光異地憑高易感傷山勢東迴連越嶠
江聲西折走鄱陽流鶯著雨都藏舌落絮翻風尙戀楊
謾說仲宣能作賦又隨煙水下瀟湘

汪公子星石

鍾光

招同復齋夫子信江書院亭子

小酌

危亭連講舍曲曲俯清瀾四面山光合長年樹影寒飛
太霞山館詩稿

卷一

四

花時入座把酒共凭闌坐惜春風老扁舟只暫歡

雨泊弋陽

細雨維舟處孤城隔水西貪看沙上鳥來往只前溪

謝文節祠

橋亭終老計難成一死聊完報國情早識興亡關運會
直將氣節作功名麻衣泪濕燕山月練甲魂飛粵海鯨
剩有遺書傳却聘高風何減漢龔生

楊柳曲二首

垂柳復垂楊飄風似帶長但能牽妾恨不解繫郎檣
垂楊復垂柳漫天作絮飛願同妾意援持取製郎衣

江流纔一曲旋報攏船頭濁浪排山立危帆掣電收選
途牢下碇沽酒漫消愁羨煞前汀濶飛飛雙白鷗

仙人橋

等閒平地盡波濤陸海茫茫未易超却笑仙人太多事
偏從山脊駕長橋

望龍虎山

虎踞龍盤地迢迢見紫房符經傳奕葉巫鬼極荒唐爵
列駕行外神遊鶴駕傍恍聞雲壁上風過度笙簧

青蓮寺

貫溪

太霞山館詩稿

卷一

五

蓀棹仍淹阻花龕恰訪尋排門雙樹老照影一池深梵
唱流城曲江雲宿殿陰勞勞千里客乍此息塵襟

順風過南昌望滕王閣作

白浪直立高於桅風帆怒張裂浪開浪不受欺大聲吼
倒穿船底挾船走頃刻百里篙師驚落帆奮力與帆爭
轉眼滕王一座閣拋向船尾如流星子安昔日工詞賦
馬當獨得江神助我今一樣順風來不圖變局翻遭妬
茲閣夙聞天下雄珠簾繡柱垂文虹滿擬題詩二王後
縱目一覽江天空平生突兀奇勝良會當前偏敗興

雖知驚事非人爲先刺登臨亦前定江月倒影春波明

澤國謠

澤國古云樂誰知澤國苦放眼不見山到耳但聞榜地
窄民稠地難處強與江神爭尺土窮冬江落水勢衰家
家築室江水隈天吳含怒不肯服飛香上雲春訴哀駭
浪一朝高拍天全家驅入九重淵乖龍騎危瞰人屋寒
蟬移家上竈顛隔岸荒冢何磊磊元宮震盪一齊毀長
鯨壓骨掉尾旋無數孱鬼波心死江波東注無時休陰
燐夜夜逆波浮新鬼舊鬼重相見哀慟向天天復愁吁
嗟乎澤國之苦真酸楚歲歲驚心聽秋雨縱使魚鹽有
木霞山館詩稿卷一

六

豐城

劍氣消沉久何人識太阿蛟龍爭地勢風雨得天和邑
廣征徭重民稠俗語訛篙師閒倚櫂沽酒且高歌

江村婦

江村少婦顏如鴉生來不解施鉛華曉起鬢髻畏雙髻
早向街頭買棉花棉花撲面春雲熱細如鶯毳白如雪
將歸獨紡茅檐下旋車疾於風旋葉葉聲檝檝車啞啞

坊得花完日已料料用旋下西山去更缺江波驚院紗

輕紗浣罷然松煖不胆澗岫肥桂槩袂徹搗飛
聽到雞鳴梭纔住停梭卸布軟且輕鈿尺量來二丈贏
且喜今朝布已就欵枕片時天又明天明待米作晨煮
抱布入城無賣所東家行過歷西家覩面從人求賤估
得錢不供一日糧換米歸來泪如雨

清江

急潦泛前汀清江未肯清橘花香十里嵐影綠千甍馳
道春調馬空林曉聽鶯永懷漁父唱何處濯塵纓

自新淦至峽江境內山色甚佳

稠疊千萬峰蜿蜒此奔赴萬萬丹橘林花光莽迴互經
太霞山館詩稿卷一

七

旬不見山欣喜復相遇半壁開晴嵐恍與故人晤奇岫
前已迎疊嶂後猶顧臨風一詠詩驚起沙洲鶯

過分宜橋

傳爲明
嚴相建

長虹百尺壓江開元老奇勲此不頽猶似當年餘焰在
客船到浦盡眠梳

望鈴山

嚴相讀
書處

鈴山翠峯夕煙開翠色分明入望來却憶北山最深處
中藏羅隱讀書臺

疊玉駢珠古費才書林遺集惹疑猜匆匆竟作中書死

鄭公今不見空見鄭公鄉官職傳殊代詩名殿晚唐亂
山春草碧細雨鷓鴣翔寂寞蒼江上懷人又夕陽

袁先生祠

東漢清風更孰儔埋名不向史書留遠先陶令開三徑
近共嚴陵占一州山水俱從高士姓煙霞未改昔時秋
扁舟細雨祠前路欲采蘋花隔綠洲

西邨

孤舟經月酌洪波胸貯黃泥一斗多乍喜西邨今夜泊
半江春水綠如羅

太霞山館詩稿卷一

八

水輪行

剝木爲規架江隩爲縱爲橫緊相屬飛輪團團一丈圍
半露烟空半在湫迴旋傍規較規高截竹爲筒斜繫輻
隨輪入水射水上倒灌規心如懸瀑前筒纔過後筒來
千筒萬筒無斷續規中流水如碧玉走月飛煙一條綠
以規接規先後分引脈析支通屈曲罨布雲畦稜稜青
比似桔槔功更渥果然人巧奪天工旱魃無權歲常熟
我鼓越舸來楚鄉終日倚舷看不足更喜風飄音粥粥
儼聽波臣來奏樂譜出清時太平曲水音應羽輪音角

凡楚江有水輪處必斷棹爲垣以避水行
艱作此以遣悶緒

水輪利雖饒槎壩害亦慘刊木截奔瀾赤錯莫能撼不
顧松舟遠但便筠筒擗錯比犬牙交義同燕尾髣脩疑
龍熟眠仰恐鯨飛瞰如梯層置級如門橫設檻中流浮
曲岸空淵化重隄穴出或爲汎上湧忽成濫惶恐名可
移猶豫形亦儼乍可泛輕舸那能容巨艦棹郎到輒愁
客子見亦憾拔篙藉竹扶卧檣畏風颭攘臂氣雖盛昂
首勢難寔鹹觸石火迸權激浪花糕欲直偏旁旋方東
又西閃氣喘頸頻縮計窘手還斂難辭裸體羞甘學脅
太霞山館詩稿卷一

九

肩諂陷石拚裂膚衝波各張膽曳筮尻盡翹負扛口齊
喊前推若駢肩仄擁類俛臉彳亍水沒腰跳躍汗濡頷
相持進匪易稍懈退已奄忙時亂叫號憤極互譏貶重
振影搖搖半過聲輜輜腹餒不得餐艖漏未遑檢幸容
身上稍快似魚離慘計程纔十里宿纜天已闇晝歷魂
屢驚夜寢夢猶魘免彼楔棹勞成茲波濤險因思天下
事卽小可深覽見害當速除有利莫輕鬪商君開阡陌
兼并世斯憚荆公變新法科派國重轍利害原相倚益
此必彼滅吉筮易主和罕言聖防漸因勢惠不費逞機

檐

蘆溪市傍有宋周濂溪夫子監稅處碑

野次何因屈大賢官階也要待人傳區區監稅何高秩
消得豐碑道畔鐫

萍鄉

萍泛原無定誰云此是鄉亂山多虎跡古道劇羊腸有
客悲歧路明朝泝碧湘浮雲終古變空說楚昭王

玉女岡

細雨下霏霏岡前翠色微朝來看玉女悄立正披衣

太霞山館詩稿

卷一

十

晚泊湘潭登湘陽樓

暝色約孤舟迴橈更上樓嶽雲當麓出湘水抱城流浦
火漁家飯簫聲妓市謳悠悠喧寂意併作異鄉愁

長沙書感

顧余非謫宦何事到長沙煙浦初停櫂漁舟已落花臨
風動懷古對月倍思家何處吹羌笛平添兩鬢華

月夜

湘簾高捲隔新筠冉冉花香拂綺茵一夜長沙城上月
流光偏照不眠人

空懷憂國計一樣不逢時太史曾同傳長沙又合福若
埋絙瑟地草沒麗牲碑欲擬招魂曲哀些有楚詞

賈誼故宅

不教妖鵬作祥鸞天合炎精運早寒謀國幾人能痛哭
懷湘應爾獨悲歎石牀蝸篆當時字壺井蛙游此日瀾
莫怨漢文恩太薄君臣際會古來難

登天心閣

傑閣凌虛勢獨來長沙往恨苦難裁一腔漫灑羈人淚
萬古空餘謫宦哀曲巷烏啼陶侃廟荒郊鬼嘯定王臺
明朝江上揚帆去應望衡峰九面開

太霞山館詩稿

卷一

十一

重泊湘潭

朝攬嶽麓雲晚擷湘潭芷一抹暮山青人語湘煙裏水
波正容裔漁笛夜中起愁心共月明搖蕩幾千里

江行卽目

瀟湘江色淨於磨兩岸人煙竄水涯種諸供糧還釀酒
牽簞結屋便爲家泥鑪蘊電難山骨瓦盆飛霜薦水花
最是江鄉風味好歌聲夜夜出漁槎

衡山

古縣衡山下維舟日已西湘流隨棹轉嶽色壓城低別

南嶽聳岩堯曾峯逼絳霄炎并尊巨鎮離位仰高標勢
壓荆襄遠光分翼軫昭雄風涼百粵絕景懾三苗秩視
三公貴名惟四岳僚蒼黔眞似埤濶霍敢稱崎拔地全
無倚參天氣不驕九千丈以上八百里而遙柱爲擎天
峻困因貯石饒芙蓉懸欲墮紫蓋仄疑搖冰雪凝厓腹
風雷出岫腰鴻龐吞灝氣歛吸轉靈潮景象眞殊絕神
功更獨超夫人傳姓魏赤帝或名燁紫府珠爲闕丹房
玉作寮眞形阿母守絳節百靈朝妖魅皆潛跡天神每
駐鑣威看今古雲福許帝王徽寶露神堯襄仙風大舜
太霞山館詩稿卷一

十一

簫虞巡當五月禹跡遍山椒益記荆王捨碑留漢代雕
寗旒崇象教拙玉走星輶不惜馨香薦惟期玉燭調明
禋隆典禮登覽足風謠我鼓吳江櫂來拳楚澤蕪思投
韓子玆難繫杜陵船渴日光曾覩陰霾氣未消隨帆看
九面倚漿每連朝望裏雲梯接空中雪練飄何時凌絕
頂一覽豁塵囂

衡陽

萬戶依孤郭孫吳舊縣長峰形尊岫嶺江勢合蒸湘酒
憶鄴湖醞書疑宛委藏殷勤約南雁相逐過衡陽

解纜官山塘艤舟歸陽驛風定水猶波日落山逾碧柳
歸斷隴雲烏啼戍樓夕家人當此時應念孤舟客

浯溪懷元次山

崑臺猶在望不見漫郎遊惟有浯溪水年年尚北流

泊祁陽

槩聲嘔啞沂江潯山郭迷離夕照陰峭壁搖空丹若發
晴波弄影白鷗沈蒼梧雲近楚天碧斑竹巖荒夜雨深
此地由來哀怨切清宵莫漫動長吟

湘竹詞

萬古湘江水偏難洗怨思新生滿叢竹猶是泪痕滋

太霞山館詩稿卷一

七

零陵江上見巨石甚奇

懸厓竦立何嶽崑倒影壓舟舟欲沈奇醜駭人不可狀
開鋒瞥見搖人心安得長房術有神縮之如拳仍得伸
攜向襄陽誇米老定應下拜呼丈人

抵東安

地析零陵舊城居衆壑陰楚山南去盡湘水北來深編
戶多徭族方言半粵音定看宓子化端坐奏清琴

端陽席上有感

促裝挑菜節下榻泛蒲時舟楫連三月山川近九疑棟
筒親楚俗榴火熟鄉思一醉能消慮富杯豈忍辭

東安署中有花葉如桐其花連枝萼皆深紅接
之嵇含南方草木狀的是頽桐無疑而土人或
呼爲狀元紅又云向陽紅又云洋海棠又云九
節蓮又云臭牡丹蓋由不知其實遂各以意造
作名字耳因正以詩

綠葉扶疏略似桐開花耐得一秋紅底須小字紛紛喚
早有嵇含狀最工

高山寺

花臺開碧岫巖靜此間分暑氣到門失經聲隔院聞猿
太霞山館詩稿卷一

古

吟巖際樹僧汲澗中雲欲問眞空義前峰已夕曛

夾竹桃

骨格珊珊不染塵幽姿豔態一時新花蹊春暖迷高士
茅屋天寒倚美人紅雨亂濺湘浦泪綠雲低鎖楚宮纓
相思欲報平安信好向漁郎更問津

盛夏苦早晚登高山頂放歌

局室半間隘於輪酷暑逼人如牢盆晚涼試上高峰望
只有天在旁無雲長風四來衣袂動飄飄直似仙之人
孤城僻在湘浦間萬山雜沓相迴環不知開闢何王年
早有耆葛之臺築山顛得無當時赤壁燒破曹瞞兵吳

蜀連和分楚荆湘水之南已屬蜀蓋蠻猶復阻零陵則
龍統師親掠土旌旗一掃湘江清惜哉遺事無人曉但
見高臺冉冉蒿蓬青應陽此時正苦旱老農望澤穿破
眼萬姓禱雨聲相聞閩人如我亦憂懣北望衡山何從
墜上有紫蓋兼祝融乘權司夏正其職出雲沛雨能爲
功豈忘降祥福禾黍牲玉眞忍衰俗同東望九疑雲連
綿昔聞虞舜窆其巔神光一出照宇宙遺民夜夜聞揮
絃庶幾再鼓南薰曲坐令解慍迴中天南望黃華近可
把傳有仙人游其下神仙有術世所驚喚雨呼風無不
可何不囚女魃於神潢鞭屏翳使沾灑西望九龍巖如
太霞山館詩稿卷一

圭

舟巖下有龍蟄其幽有時化作黃衣遊安得呼龍訊其
由大地赤旱火雲流曷不爲霖潤九州甘伏重淵如曲
蟾仿徨四顧天沈沈落日已落不可尋夕嵐黯黯湘山
陰蒼煙浩浩湘波深風吹蕭蕭斑竹林帝子不見愁人
心我欲呼湘靈使鼓瑟召楚妃兮彈琴范成君擊湘陰
之擊石公子拊昆庭之金巴陵之仙娥兮揚妙舞君山
之玉女兮發清音大合樂於茲山兮俾斯人一滌煩蒸
之苦爲之宣氣而平心其奈難覺聾瞶俗縱有諛詔誰
能聞徘徊三歎下山去衆星煜煜羅高旻

秋人不得寐孤起坐三更天靜星光密風高露氣清
疏涼漸透秋近葢先鳴誰識越鄉客悠悠此際情

强忠烈明府劉忠義少尉殉難詩

并序

聖清受天命爲天子百有七十載薄海內外自高曾祖
考罔不飲和食德熙育春臺而天下銷鋒灌燧無
由爲犬吠之警以迄於今嘉慶十有八年八月河
南滑縣八卦教匪李文成等輒敢於化日光天之
下陰圖不軌先經滑縣老岸鎮巡檢劉斌偵知擒
首逆送縣知縣事强克捷訊明下獄旋以賊黨劫
獄巡檢父子巷戰死强令闔署被害戚友僕婢從
太霞山館詩稿卷一

夫

死者三十有五人其子婦徐死節尤慘事聞

天子震悼從知府例議卹錫爵諡忠烈俾以騎都尉職

世襲罔替并錫其子婦徐諡爲節烈恭人建坊旌

表又

命滑縣暨本籍韓城俱建專祠以祀而以後室祀其子
婦并從死之三十五人者並從祀焉且以韓城士
風醇茂增其博士文武弟子員額復以故大學士
王文端公亦其鄉人特

遣致祭劉巡檢亦

隨知縣諡忠義一子蔭雲騎尉夫守土之臣戡姦戡亂

橫罹慘毒者雖重可憫傷而揆之於義要亦不遑
完其分之所當然我

皇上褒忠之典哀其身而逮其子孫已爲至優殊渥乃
并及於已往之鄉大夫將來之都人士將至疊加
至於此極在

朝廷獎卹忠節甯過於厚原非徒欲以激勸天下之人
心然天下之人聞風興歎雖令庸夫愚婦有不觸
發天良感極涕零而願勉爲忠節者哉嘗觀古今
來天下之亂不亂於戎馬蹂躪干戈擾攘之際而

大霞山館詩稿

卷一

七

先亂於人心之嗜利醜義養生忍死不卬立名樹
節之爲可貴不知辱身污行之爲可恥而後姦猾
得以中其所喜乘間竊發而喪亡覆敗之禍隨之
誠令天下之人由是擴其感發之心以仰體

聖天子扶植綱常之至意其君子常以敦天倫立人極
爲已任其女子小人亦皆知好義惡亂不忍於污
辱其身一旦有事莫不思臣死其職友死其義婦
死其節僕死其主固結而不可解則雖間有豺狼
其心蛇虺其性者亦必將訖不能有所肆於世而
無地以自容顧猶或慮夫風俗不厚天下不久安

長治者豈理也哉爰不揆固陋竊取古詩人之義

作詩二首用以美忠節頌

國恩而風來襍焉

義皇上天八卦逸滑匪竊之圖作賊宰滑者誰強克捷
巡檢勇擒乾三畫黑宸壓獄歛開門外刀光似雪飛
渠魁忽變天山遜官舍翻占池水師官能擒賊豈賊怯
挺身殺賊大聲喝連斃二兇刀已缺賊喋無言應以鐵
肩上已喪先軫元口中猶掉景卿舌可憐三十有五人
一霎衙齋齊喋血陰雲黯黯天無光英魂訴天天亦傷
餘孽跳舞不自量猶逞螳臂撼 天閭疾雷轟然從空
太霞山館詩稿 卷一 大

降萬魔如雪沃以湯乾坤開朗六子藏仍返清淨還羲
皇推原發難功誠偉身雖長掩名則揚大府飛章上其
事 天子聞之爲灑泪嘉乃殊勲在社稷卹典優隆

破常例贈官錫諡恩意稠騎都尉職賞延世更建專祠

精忠滑縣韓城兩處同從難諸人並從祀臧獲亦得
稱鬼雄吁嗟二君報國良匪輕 聖主褒忠恩尤宏

渥澤不獨遺孫子餘波還許被膠鬲最感同鄉王相國
也與榮施到後生

徐節烈恭人殉節詩

屈氏婦徐氏女節烈恭人節最苦恭人生長古韓城隨

發遣宦漢水濱阿翁扣賊被賊殺賊膽竟欲辱恭人屬
聲罵賊賊虓怒反縛花容釘庭柱刀光如鏡劈面來照
見貞心赤如炬鬻割香肌片片空牡丹零落墜狂風骷
影欲爭秋月白血光射作朝霞紅誰知恭人身可裂獨
有恭人心不滅一寸心同一寸鐵鐵尙可折心不折直
貫長天化列缺下掃么膺等飛蟻羣醜立夷冤已雪天
矜其節哀其烈 天章爛爛賁玉墀褒謚建坊兼立祠
歲歲春秋侍翁媪長享 皇家酒一卮吁嗟乎恭人
遘禍良獨酷羸得奇行光史牘金爐細爇梅檀香香風
不及香名馥他時滑縣秋風宵定聞罵賊賊聲兼哭

太霞山館詩稿卷一

九

諸葛臺晚眺

高臺巖窠倚遙蒼孤客登攀悵夕陽半角荒山留漢蹟
一丸小邑劃荆疆白雲東望家何在紫燕西飛路正長
欲浣離愁向江水不堪芳草遍瀟湘

送人之零陵

見說何仙子零陵市上居明朝君且過爲我訪丹書

兩頭織織曲七夕作五首

兩頭織織女梭半白半黑雲似羅脰脰膊膊鵲填河
磊磊落落雨洗車

兩頭織織女梭半白半黑五花聰脰脰膊膊鵲填河

磊磊落落九疑峯

兩頭纖纖雙鯉魚半白半黑尺素書
脰脰膊膊擊唾孟
磊磊落落泪盈裾

兩頭纖纖元山禾半白半黑反哺鴉
脰脰膊膊葉辭柯
磊磊落落勞者歌

兩頭纖纖七夕月半白半黑
羈人髮脰脰膊膊柝未歇
磊磊落落愁千結

遊幽巖洞

羈居憺無豫駕言出東城
威移歷榛谷迢遙叩巖扁
洞天何虛敞雲構儼崢嶸
睨景天貌仄俯瞰石勢攫
鶴飛
太霞山館詩稿卷一

十一

雲不動鐘叩山爲鳴傳聞洞有九
屈曲達山陁屢進境
益邃再窺光已冥澁脚鬼蘿滑
撲面仙鼠驚餘勇雖可
賈先驅無敢爭且盡今日興
再訂異時盟勝地屏遐僻
遊跡闕圖經惜乏柳子才一播
茲山名

雨夜

斗室蕭然夢不成一燈如豆夜淒清
西風故惱悲秋客
又遣芭蕉送雨聲

郊遊

偷閒逐伴出西城却傍平郊取次行
薄霧蘆塵半煙火
高原禾黍正秋清
忍飢後鷓呼風過帶因寒
暉飽葉鳴

到眼時光易流轉良遊莫負夕陽明

待月

無端雲影尙迷離不見纖纖月半規想是嫦娥傷老大
牕前無意畫蛾眉

中秋賞月醉後作歌

一年十二月是月有月明人心獨愛中秋晴詎知中秋
月中藏萬斛白玉瓶慣貯愁魔若火阮自從盤古迄今
七萬一千三百有餘歲崑崙極東五億十選九千有餘
程其間奇奇怪怪之愁莫可以名狀不復區別一概盛
載上天心忽倒挈森亂向虛空傾我正隨人翫月坐

太霞山館詩稿

卷一

三

月下驀被愁絲千迴萬匝相糾縈初如飛蟲誤投蛛網
被束縛盤旋莫解心殘疏又如春蠶引緒作繭團團自
纏裹欲出苦無隙可乘縱有倚天長劍斷不得汲盡湘
江之水洗不清細念衆生擾擾多如無萬恆河之沙數
愁魔奚獨於我相欺凌眼中無處可告訴只得縱酒顛
狂飛上白玉京那料玉京之城高萬雉守以三千億萬
鐵額銅頭兵玉帝所居又有紅雲重重相擁護雖令大
聲呼籲不見聽翻身更向廣寒清虛府但見宮殿層層
洞澈如水晶純以天銀天青琉璃相間成其傍凸處常

生二萬八千戶分以瓊田萬頃盡種瑤華英時月天子

正御青玉輦傍坐夫人芬豔罌三千天女齊來侍通石
月中隨意行我因再拜謁輦下天子親啓玉齒詢姓名
旋命玉女引我至珠庭坐我藥王寶樹下錫以顏色詢
其情既聞所訴乃大笑謂此實由自取何不平從來愁
乃秋之心自有秋來愁卽興愁魔當秋下人世非其氣
類不與朋必也其人居心太窄稟氣過勅情緣難割世
網偏嬰恆執古以獲戾時率意而取憎智可燭微疑莫
決勇能任重才不宏因之此心第鬱糾纏不得釋愁魔
遇之遂與依依不舍如弟兄試觀古來宋玉實爲悲秋
祖張衡繼之四愁并其後杜甫不免詠秋興歐陽亦復

太霞山館詩稿

卷一

三

賦秋聲諸皆一時賢傑尙且坐此不得脫矧汝藐藐小
子焉能與之相爭衡設汝果能一得喪齊死生物我無
間寵辱不驚韜照寡慮抱冲息爭悟損益而觀化揖羲
農而全貞置心無何有鄉廣莫野物來則應去不迎浩
浩蕩蕩無滯凝搏風九萬如大鵬愁魔視予且比飛仙
縹緲不可卽雖有千手千足烏能撻我聞離席叩首惶
恐深自悔且謝示我却愁之術要而精月天子乃嘉有
禮遂勅結璘起作霓裳羽衣之妙舞纖阿下奏紫雲回
曲之玉笙更命素娥手奉玉兔所搗長生不死之靈藥

周以質豐言且警我故拜受一飲盡一觥斗覺和氣沁

入五臟六腑十二經一達關元上黃庭入萬四千手
遍開爽三百六十骨節俱通靈愁魔灑然脫體神爲澄
眉峯喜氣軒豁快呈露遙與兩戒山色一樣舒深青岫
然撫掌嚇嚇一大笑失足仍墮湘口之孤城但聞四壁
蟲聲唧唧月輪猶向松梢橫遙憶家園相隔半萬里依
人作計如浮萍卽今佳節惇惇守孤館曷禁挑燈顧影
愁屏營援筆作歌三歎息障牖已有嗶嗶晨雞鳴

十七夜月色甚佳忽爲雲掩

萬里清規喜乍同無端忽被皂羅籠他生有願從天乞
化作蟾蜍入月宮

太霞山館詩稿

卷一

三

四男董 盼參校

甥孫盧齊瓊

齊瓚

齊璣

齊瑗

齊瑀

齊瑾

齊珉校字

甥曾孫聖欽

泰順董旂霞樵著

婿盧贊周繹廷校刊

湘南游草

秋夜有懷

落葉已如許洞庭秋正賒長愁偏戀客薄夢不離家
苦勤啼月燈寒懶作花懷人不成寐家裏又天涯

登樓

望遠空教上楚樓亂山無際隔鄉愁歸心直似瀟湘水
總向東溟日夜流

謝人送菊

大霞山館詩稿

卷二

秋菊開向早多煩贈一枝輕拈來局室斜插向軍持
冷豔明吟席幽香拂絳帷但存秋意在何必定東籬

夜坐憶家

鴻雁羽肅肅遄飛覓稻梁徘徊一返顧哀鳴聲慘傷自
歎窮居士家無隔宿糧因懷一飽惠落魄寄他鄉有母
不能養有子不得將迨今入九月家書無半行聞道江
以南歲事多歉荒吾鄉壤相接保能獨豐穰相隔五千
里曷由訊其詳秋風夜颯颯落葉啼寒螿單牀悄無寐
孤坐寒燈光感此成恓屑泪下沾衣裳

九月猶未啟霏霏滿院煙破曉是曉易擲容得寒先竹
響因風急苔痕帶露圓閉門仍密坐細誦馬蹏篇

重登諸葛臺

更上層臺望憑高目力窮浮雲連嶺北流水下湘東楚
塞兼天遠秋山併樹空袖中有短札何處託飛鴻

東堂夜思

隔林螢焰暗還然獨夜西風曲院前蟋蟀苦吟霜下月
蟪蛄細織露中煙新愁入髮三千丈舊事如塵二十年
却到池邊閒佇立知幾眞羨白鷗賢

念子

太霞山館詩稿

卷二

二

貧家無餘產幸有四男兒窮達固有命慰情良在茲鳳
郎已弱冠性好弄毛錐名始隸學官立志殊不卑頗奈
予遠出門戶累操持松郎年十三羣經略已披尤好左
氏傳疊疊讀不疲偶然挾新意能到古人疑稻郎纔七
齡作語猶支離洪郎始週歲香綳賴抱持復有十齡女
宛宛字惠姬初學擷繡譜僅解描花枝別來忽九月遠
客衡山陲鴻雁飛不到消息未可知長恐學業廢幼慮
疴痛隨夜恆夢見之朝起常凝思自傷爲貧役不得顧
其私且拚一斗酒聊以遣歲時

秋夜懷張情齋

歷落張思曼相逢舊歲曾家貧長作客身老欲爲僧霜
影空齋夢蟲聲半夜燈懷人當此夕倍覺鬢絲增

觀劇戲作四首

秋收已畢慶豐稔寶社徵歌古意長我亦中年感哀樂
正須陶寫託絳簧

風波冤獄使人愁往事迢迢七百秋忠孝何關兒女事

看來雙泪也頻流

時演岳忠武事

杏紅衫子逐時鮮宮樣雲鬢喜乍拈近日蠻風都變盡

太霞山館詩稿

卷二

三

雙趺也漸鬪纖纖

野曠笙歌聽微涼颯颯欲侵衣滿山黃葉風流盡
半向雲鬢多處飛

四十初度客中自遣

噫嘻吁危乎悲哉四十之年倏忽來猶憶五齡抱書初
上學日誦千言無留猜入齡擲管思卽壯口吐香風能
詠梅十齡學作制舉業脫手數藝走霆雷一時交朋頗
窺觀謂是丹穴鳳凰胎相期飛翔作嘉瑞九苞舒彩鷲
八垓詎知二十漫嗣音僅博青青一幅衿三十難免俗

恰飽朱需一囊粟迨今屆壯時當鴛鴦落石徒存一頰舍

一萬言徒筆下瀉虛名漫受宿髻憐馨室難邀窮鬼赦
坐令涼燠生庭聞鴻雁嗷嗷爭分飛毋不子視妻不下
機兒饑號粟女寒啼衣終朝常與愁爲期兩髻漸化雪
絲絲謀生無術艱一飽隻身萬里棲南夷吁嗟乎人生
建立當乘時前旣若此後可知就上壽百年尙可希
亦已曰艾耆曰耄蓋日期頤壯強之歲一去不可追待
至頭童齒豁何能爲或謂買臣五十始富貴孫宏六十
方就徵呂望八十猶爲王者師丈夫得行其志但有日
奚必甘羅鄧禹方稱竒余聞唯唯還否否大器雖然說
太霞山館詩稿卷二

四

晚成世事大抵終宜早譬彼夕陽燿燿亦自紅爭及朝
曦乍飛天宇曉老榦著花豈不香爭及嫩蕊初開彌姣
好安得登天挽住羲和繯迴車攬轡挂扶桑天公出酒
地媪出羊青龍布席白虎安牀南斗進饌北斗挹漿織
女鼓瑤瑟嫦娥調銀簧蒼霞揚東謳清風發西倡勸羲
和安坐樂飲百千觴陶然大醉不得馳驟下西方年年
歲歲如此日自然元髮不變容不蒼不然上書哀顛兜
率官中調運翁借我羽衣兼飛龍乘飛龍唵上馳東入
蓬萊採靈芝靈芝採得可服食境我精髓鍊我魄任他
此後五十六十七至累百更如三十二十好顏色爰

前擁八駟官歷八州督爵封萬戶侯一代勲名垂竹帛
九重名字覆金甌功成一旦拂衣去然後肩拍洪崖袂
挹浮邱駕王喬之鶴驂金母之蚪翱翔三島遊戲十洲
回視方今四十之年僅如四齡小兒身騎竹馬蹀躞戲
庭憚快哉千春樂事無時休無如大藥難得曦馭不東
纔過新秋又孟冬茲晨適屆懸弧候寥寥孤館誰爲恭
料得家中妻孥應念我暗彈珠泪當西風吁嗟乎三十
虛度已可歎余三十生朝曾作七律八首 那識年來更不同復不知
此後歲月否泰將何從其實人生落得隨遇且行樂必
太霞山館詩稿卷二

五

待富貴何時開心胸客中無酒足自壽且聊作詩自哭
自笑權當宜城九醞干瑤鐘

初冬書懷寄故鄉知好四首

天涯滯迹究何因液雨瀟瀟又小春蠻語漸能通鳩舌
鄉書何處覓魚鱗館餐已愧緇衣賦門戶誰憐白屋貧
見說東甌應星象翼南常看五星陳

筮易空興不節嗟坐教生事比搏沙勞身遠作三湘客
窮葦長饑八口家海遠那能甦涸鮒風高偏易怯羈鴉
惱人最是紅鷺嶺生把鄉關曲曲遮

隔簾雲葉畫陰陰戍柝衣衫冷不禁殘穉飛來聲莫定

故友欲知愁幾許爲言湘水未應深

彭彭雙髻漸增華瘴雨蠻煙天一涯占隴不知誰道我

看雲無那又思家消愁欲覓猴窩酒却睡慵煎鹿峒茶

竟歲山城無驛使相思何處寄梅花

朔氣

朔氣侵重褐流光厯客懷雄風塵古木白日冷空齋寄

信函難達思歸計未諧不知聯影雁何事亦天涯

井房曲 并序

東安官舍之西偏有室焉扁鑰甚固詢諸吏人

太霞山館詩稿 卷二

六

云中有一井鎮以巨石聞元時邑嘗被寇宰邑

者闔家殉難積尸其中今陰雨夜猶或有聞鬼

泣者稽之邑乘不詳其事因歎古今來忠義之

士遭時不幸或并其名不得留於世若此者不

少矣故老相傳未必無因爲可悲也因作斯篇

重扉蘚斑屈戍鏽陰房夜夜聞鬼嗽危檐過雨飛青燐

千午不見日光透玉虎無聲銀綆斷滿填鬪牒大如鷺

十丈紅冰夏不消腥風撲天古尸臭瓊城畏避石無言

邑譜叢殘名不壽烈氣當時逼紫霄冤魂終古沉荒壑

公莫怪驚西山高家狐狸走

落拓湘南住情懷百不開經年無過雁冬月尙聞雷敵
雪羊裘薄書愁兔穎摧甌江渺何處望遠獨登臺

雪

凝華積素淨無塵冷耀熊熊炫九垓應是柔祇誇富貴
山河到處盡鋪銀

高山寺看雪

湘山新雪後踏玉上危巒萬戶炊煙濕孤城夕照寒松
陰難辨鶴竹塢已吟鸞底用誇仙界瑤臺爾許寬

客鳥吟

太霞山館詩稿

卷二

七

越燕常南飛胡雁亦北度微羽夫何知託身自有處太
息此客鳥飄飄失鄉路逝將復來歸飲啄安吾素

冬至後一日懷潘翁長

忽忽過短至又是一年期客路五千里鄉心十二時峭
寒朝出嬾孤枕夜眠遲却憶同懷子臨風更詠詩

觀官齋雙鷺有感

并序

鷺性頑而傲好於清波綠野間舒翼而飛故又
有舒雁之目苟園養不遂其意雖日舖以玉禾
飲以石泉其中不適也官齋雙鷺羽毛凋敝終
日矯項長鳴意共有江湖之思也慨然有作

王羽條條似有愁哀鳴鎖日不覺何如放向滌江上
泛水眠沙得自由

夢晤家眉伯明府次日登城東樓作

自別吳山歲月催連年不見尺書來
虞邱已墜西風淚
庚嶺猶開昨夜梅
萬里關河鄉夢冷
三更樓閣雁聲哀
憑高極望湘波濶
似此離愁那得開
眉伯官大庾令春間已奉內諱歸里

憶梅

記得家園裏
年年冒雪開
一番風信到
千里客愁催
倚竹每孤立
抱琴誰獨來
何時泛歸棹
索笑日千回

雪夜不寢沽酒獨酌

太霞山館詩稿

卷二

八

寒風急雪滿天涯
孤館寥寥苦憶家
遙夜正宜親竹葉
故山何苦負梅花
單衾擺冷難成夢
疊鼓催更只亂搗
剛是醉眸思小睡
隔窗又見晃銀霞

交年日作

羈愁逢節倍相牽
爆竹喧喧不耐眠
故國河山成遠道
天涯風雪逼殘年
歲時舊俗猶荆楚
旅邸新聲漫管絃
料得家中兒女坐
卜歸應是費金錢

立春夜作

綵燕迎門對對飛
東皇先歲展蒼旗
冬辭窮谷寒猶在
春入孤衾客未知
臘雪凝階成舊跡
和風弄水動新漪

草日羣植長枯槁從此敷榮已有時

元日客中遣懷

乙亥

爆竹驚孤枕先與不待晨雪消連夜雨花發隔年春賀
客憑闌報鄉愁仗酒馴只防添白髮時看鏡中人

元夜客思

閉門孤坐鎖無聊四壁如水冷氣飄客院笙歌撩別恨
家山燈火憶元宵三更明月人千里雙鬢輕霜酒一瓢
生怕夢中愁更盡擁爐數到漏聲銷

送顧春原

臺

歸長沙

新柳不堪折江橋悵別絃依人良不易送子一潛然倚
太霞山館詩稿

卷二

九

棹看衡岳卬杯聽杜鵑懷才終有用莫歎賈生遷

書家信後示長兒疇次兒暉

離家足一年書成無處寄佳節入新年汝曹應我企我
亦念汝曹道遠空愁思幸遇雙飛鴻欻然起南裔用作
數行書附之東歸翅平昔千萬言下筆無一字且想復
且書拉雜無鱗次嗷嗷入口家盜無隔宿糶上有老母
老下有穉子穉周急世所難誰能敦古誼念之不得忘
怒焉常如醉舌畊獲微貲纖毫不忍費緘封遠寄將聊
佐朝夕饋我食他人食飽腹不飽意骨肉成遠離祠墓

闕親祭越國謀斗管斯情足酸鼻况復發蒙爰徒爲遠

遊筮失策衆共嗤知幾我自愧主人驕若雲童子頑如
騫威難夏楚收功乃旦夕觀終朝兩間屋牢比幽園閉
四壁時危垣天光不許被努目常睚眦如金剛護世大
聲時叫呼如神巫逐癘伐鼓竟聚聾積怒空穿啓時受
冷語譏孰持溫顏慰館餐雖兩授苟且供粗糲折葵非
清齋割雞豈小試消愁壺無醪充饑厨之餌入夜一燈
光熒熒鬼火惴四顧悄無人惟有影爲貳饑鼠不畏人
長吟向我睇我亦視如明不忍揮之逝秋風如水來落
葉滿階砌唧唧復唧唧井闌啼絡緯聞之心凄然傍徨
不能寐縱寐亦不安夢中口恒竊窮冬雪飄蕭尖颺襲
太霞山館詩稿

卷二

十

衣袂敝裘禿無毛豈敵嚴寒勢擁爐苦無炭煨以楸柶
細黑烟薰兩眸無愁泪亦墜兼之湖以南素稱卑濕地
東安逼西粵氣候尤乖異乍晴生熱惱一雨激涼吹暑
月裘可披殘秋扇難棄溼霧何淫淫中人輒作噓四肢
時酸疼竊恐患風痺孤城大如丸中無十家肆北郭有
高山亂亂沒烟翠破寺隱其陽殘僧附如贅諸葛何年
臺山頭蔓榛刺幽巖有九洞亦已叢魑魅出門卽泥塗
何處騁遊騎其人鄙且詐楚風今尚熾士子讀四書徒
爲科名計徼倖博一衿便已高閣置訊之今與古際若

黃圃劉銀盡畫何人託諧契以此彌鬱鬱形容日

魚頰遙望衡山雲濛濛苦霧翳俯聆湘水波漠漠愁瀾
織獨居愁交煎欲出足反蹙度日如少年撫躬惟自詈
直同遣戍卒朝夕望更替直同城旦囚蚤暮莫恩貫苦
耐五千里長途歸不易又苦爲情牽難忘亡友誓是以
復隱忍拚更留一歲輕舟身未登大江心早濟夜夢必
在家日起神常繫汝曹體我意諸宜勉自勵願汝居家
庭束躬孝與弟大母當敬養弱弟宜善視內外禮當嚴
日用節當制書籍當珍護門戶當謹伺願汝處鄉黨恂
恂循禮義勿逐狹邪遊勿習撻蒲戲勿逞醉飽心勿設
惰慢氣勿交損友三勿忘良箴四願汝勤學問貴先立
大霞山館詩稿

卷二

十一

其志羣經必時習諸史必強識選理必熟精子集必兼
肆古帖必細摹時藝必勤治古來賢達流半由貧賤致
阿衡昔耕莘尙父寶鈞渭百里炊屢屢卒踐秦相貴匡
鼎驚保徒亦躋漢卿位汝曹俱幼年後生正可畏努力
文與行無爲饑寒累異日免如吾老大嗟人隸我年今
四十冉冉老將至攬鏡髮已頽作字目如醫時搖韓愈
齒月減沈約臂坐久神不舒思多力不繼精脉已如斯
功名豈可冀惟有苦吟心長爲思家勸人回寄我書書
中語宜備庶令遠道人暫當鼓歸柁書成一千字一字

碧霄陣陣數征鴻欲寄歸心路不同
帝子何年降北渚
王孫又見長東風青衫落魄仍爲客
白髮垂頭漸化翁
判取綠醞千斛酒費騰醉到牡丹紅

吮溺歌爲周二文熙鑑作

周君讀律不讀書與我邂逅湘江隅
猥以同鄉獨見重
事之爲兄敬不渝酒餘感涕與我談
昔曾侍父之雲南
父病前悶不得旋秦緩無方腹若餓
跪含陰噐如含乳
吮之盈頤咽且吐一月狂風椿樹摧
空剩兒身如伏虎
惇惇萬里守羈喪
汨灑蠻天欲化霜
幽櫬歸家今六載
太霞山館詩稿卷二
士
口中猶帶父溲香
我聞此語三太息
至性由來天所錫
莫悔平生六學疏
一个孝字固已識
君不見萬石君昔
滌械踰猶著腐史傳
千秋吮溺行庸實
至奇得不爲君
播清謳吁嗟賤子髻
齡人已棘手澤空存
嗟罔極至今
有恨抱終天
欲飲父溺安可得

講舍書懷

歲歲攢眉對講帷
蹉跎年髻日堪悲
禪機早悟嗔爲縛
草訣新知賤卽師
呼馬呼牛都任或
采葑采菲且歌詩
世間黑白原難定
墨翟何須泣素絲

暮雨過瀟湘愁隨春夜長苦吟非爲癡薄困不成鄉月
浸花魂冷風蘇蝶夢香誰言銀漢水只是隔紅牆

東安竹枝詞六首

儂似湘波生柳浦郎如瀟水出營州湘波瀟水源雖別
到得零陵總合流

紅鷺嶺上雲微微但說紅鷺不見飛無情最是清溪水
流出前灘便不歸

相思壩畔是兒家日日江頭來浣紗郎若問儂住何處
笑拈紅豆擲桃花

阿儂家住舜峯前不羨高官不羨仙儂負長鑱郎負耜
太霞山館詩稿卷二

三

朝朝相伴墾春田

隔鄰女媷駕香車一路紅粧爛似霞生怕傷離頻下泪
大家親送到郎家

蘆洪江水碧迴環八十四山山一灣妾意便如江上水
終朝宛轉遶山間

高山寺晚過

古寺數來往山門俯碧溪斷橋春水漲高閣夕陽低倦
鹿眠松塢閑僧掃竹蹊客愁方欲遣偏聽子規啼

上巳遊觀音厓

清嵐忽以露宿雨開朝暾探奇不憚遠延緣涉高原奇

石夾道迎暉
禮太虛終古眉稜尊精廬闕荒庵流雲相吐吞松扉落
寒綠石徑散芳蓀地僻稀遊屐林深足啼猿浮烟染去
袖顏暉促迴轅行歌丹崖表修禊紫水源衝齋久閉
耳目等瞶昏偶茲山水遊得以清心魂齊物昧莊旨委
心思陶言性鑿情斯滑智黜道乃存永期謝物累一證
無生論

辛夷花

辛夷花發二月時欲認紅蓮是耶非火樹光含銀蠟重
粉毫香蘸口脂肥門前雨過客初去谷口春深鶯亂飛
木霞山館詩稿卷二
休共少陵嗟已落且須相賞莫相違

古

尋春

林鳥催春盡日曠尋春更過畫橋西山分遠黛眉痕淺
屐印深苔齒迹齊桃影半溪紅浪活綠雲一岸柳烟迷
風光如此須行樂莫惜尊前醉似泥

湘浦思家

滿掬思鄉泪思量寄古甌傷心湘浦水不向浙江流

咏蕨并序

蕨歌於詩釋於爾雅佳蔬也與笋同時味亦相
近而柔滑過之昔東坡嘗號笋爲玉版禪師余

惟吾邑采爲常供累歲作客久不味此不啻張
季鷹之憶菰菰也東安山中頗多野人獻新淪
以下酒喜鄉味之重逢也因成長句

啼猿一聲落危巔萬莖紫玉含春烟膩似兪兒伸一臂
細如凍雀擎雙拳翠釜初湘脆且滑佐酒能令酒腸澗
不數菌妾兼荀奴絕勝牛心并羊胛伊昔家居歲屢饜
三年不見口爲饒朝來細嚼湘山露彌覺齒頰回芳甜
世士讀書昧探討屏置佳蔬等蓬葆但參東坡玉版禪
不訪南山鐵拐道吾生嗜好與俗違酸鹹外味誰能知
太霞山館詩稿卷一
却思夷叔抱清節底事長歌怨采薇

晚春新晴城西小步

天放晴光到小閨攬儕縱步出城西檐對宿雨苔痕溼
岸擱新雲竹影低鶯惜殘春歌宛轉花矜絕豔笑癡迷
遊情最是無拘束劃樹還將短句題

深院

綠窗風雨掩黃昏半是傷春半惜春滿地落花紅不掃
寂寥深院更無人

東安城郭春望

消渴臨前道孤城帶古原山濃全似染邑小但如村啼

晚春卽興

杜宇聲中客夢醒
乍晴乍晦晝冥冥
山雞故意矜紅尾
遊鯉何心戀綠萍
敗絮從風飄柳岸
新錢似雨散榆庭
憑闌自笑百無謂
且喜南山一向青

初夏病起

綠樹扶疎夏晝陰
病餘情味怯惺惺
苔封竹院人蹤絕
風度松窓藥氣深
終日三眠如弱柳
一宵數起似驚禽
誰憐莊鳥身留楚
貰酒同爲越客吟

禦苗行爲徐香莊

大綸贊府作

太霞山館詩稿

卷二

六

零陵徐香莊贊府初官五寨司
巡檢時有禦苗績衡陽李退齋明府瓏作七古百五十韻敘述甚詳因彙括其意爲作此篇

書生報國能殺賊
古今快事難多得
徃嘗讀史慕其人
詎期並世獲親覲
有客昨自零陵歸
攜示衡陽李君詩
詩爲山陰徐君作
二千餘言何淋漓
縷述禦苗功最悉
令人一讀一揚眉
徐君時官五寨司
比古游徼職甚微
乾隆乙卯虎兒月
三苗逆命姦城池
櫓槍忽向鳳皇指
萬戶噉噉哭聲悲
徐君振奮起自策
謂捕盜賊吾其職

環城陞晝夜鼓勇攻不疲礮聲震天山倒移巖雉屹立
獨不動幾破復完神扶持相持十日授甲下賊始獸散
城無虧維時賊勢方猖狂連陷州縣無人當鎮竄蕞爾
一黑子賊視取之如探囊不圖妖鋒忽摧挫曳兵相顧
生驚惶孤城被擾春復秋倏來倏去如猿猱雖有督將
率雄旅仍以民兵當前茅屢出奇勝梟其傑不許輕踐
城邊蒿前後身經數十戰戰到酣時氣彌健身膺重創
心不倦有時潛身伏深箐賊忽回頭看不見驀然一躍
從天下手奪苗刀白於練揮刀左盤復右旋橫切紅苗
太霞山館詩稿卷二

七

如切麪提得觸體向空舞血花亂灑征袍濺腥風慘黑
山爲昏山鬼啾啾亦奔竄從此鼠曹畏同魅與貓相率
轉向黔南逃厥後年餘羽始格追論首創誠其勞壯哉
徐君真不凡雖古猛士何能驕客因太息爲余言徐君
世本文長孫綽有祖風雄且傑善書善畫兼善文少冠
儒冠中不屑畏筆去作諸侯客碌碌依人還自羞翩然
來捧荆南檄曩時鎮軍事方殷徵君已拌成沙塵事隔
於今二十載路人猶說徐將軍當日鐵丸貫左臂隱然
凸起今成瘻惜哉勞多賞偏薄白首僅作零陵丞冷水

難須寫以歌落白洗眼相烟青酒酣時取寶刀舞寒光

耿耿摩高負我讀李詩方神在更聽客言增悵懷立功
自古須大戟彼毛錐子安足仗我亦平生有奇氣挽強
苦乏六鈞臂漫餘介子棄觚情難酬班掾封丸志落拓
四十賤且貧猶抱殘書客蠻裔徐君際此綬已黃乍可
赤手驅封狼力挈淨土還 天子錫鞶晉秩荷龍光

人生快意有如此天地應亦爲軒昂莫歎棲鸞向叢棘
已勝槁項經生堂君不見文長昔年佐胡公龕定徐海
與有功到頭仍返山陰棹寂寞長抱青藤終邑丞於古
亦長吏較之文長固已豐丈夫但取名成足千古何須
較量官卑崇於戲何須較量官卑崇書生報國能殺賊
太霞山館詩稿卷二
居然名士兼英雄

感懷

經歲何曾笑口開時光冉冉逝川催有山欲築埋憂冢
無地堪營避債臺骨爲寒多全似石心緣熱久漸成灰
前程縱有青雲約六翻難禁已半摧

古意

五色雲間鵲昨下聞風岑本期託孤鳳翻遣儕凡禽弱
羽黯無光宛頸長悲吟爭食到雞鶩悠悠非素心寄書
與青鳥世上無知音超然自高舉息影層雲陰

舊溪烟月負鷗盟兩載萍身有底成徒把豬肝累安邑
却因蟲臂悟莊生白雲有約長鏡在青瀾絲媒短鉸橫
自古文人多感慨試吟戎昱苦辛行

五日書感

纔記端陽卽楚航今朝又剝棟筒香客中歲月風吹過
鏡裏頭顱雪染將豈有芳洲生杜若空勞幽思極瀟湘
祇應爛醉菖蒲酒一枕孤燈夢故鄉

雨夜

愁懷如海夜如年風雨殘燈欲曙天蕉葉梧桐都不管
聲聲偏到枕函邊

太霞山館詩稿

卷二

九

立秋前一日書懷

又聞鷓鴣妬年芳尙苦雞栖向異鄉詞賦無靈憐屈宋
芷蘅有路近瀟湘百年身世薄編老萬里情懷錦瑟張
此日故園秋有信夢魂應到讀書堂

聞笛

斗室如僧夜不扃半星燈火碧於螢簷前雲共蕉叢綠
城外山連粵嶺青清淚幾家分玉浦哀蛩萬竅上金屏
高樓誰弄桓伊笛不分難爲遠客聽

中元

涼月如盈映碧紗中元香果共家家并將兩載思鄉淚

灑向庭前洗手花

涼風

高樹起涼風，離人遠思濃。
葛衣臨曉怯，蕉影拂窻重。
客意梁間燕，鄉愁砌畔蛩。
殷勤望湘浦，含意託芙蓉。

瀟湘江水歌

瀟湘江上瀟湘水，波光灩灩照遊子。
不照遊子憂思深，但見遊子泪痕泚。
泪痕在面有乾時，憂思似水無時已。
君不見江頭斑斑竹林，今來古往長森森。
泪痕深淺有人識，誰識英皇一片心。

聞菴

太霞山館詩稿

卷二

三

病酒仍秋夜，迎涼更水亭。
乾坤雙髻白，風雨一燈青。
老大將何益，文章豈有靈。
祇應牆下巷，爲我歎飄零。

思歸

網軒靜勝，但搯頭又值鴻來燕。
去時煎蝻難辭，山谷誚畫蛇，應受楚巫嗤。
夢中丹篆知無分，袖裏青萍忽見疑。
縱是忍飢歸，亦好故山芳草負佳期。

紫薇花

一簇晨霞影，垂垂覆砌隈。
如何綸閣樹，却傍縣齋開。
暈纈裁宮錦，霏香拂玉醅。
別花人不見，掩泣對荒萊。

應西湖寄周大文齋林七東岑

別後至今還幾秋人影猶憐花港水歌聲坐付斷橋鷗
客中却憶同袍子拾翠誰從鏡裏遊

雁

衡岳高何極瀟湘波正秋不辭關塞遠爲有稻梁謀帛
重書難寄蘆長繳自收終當冲漢去一雪食糝羞

頽桐花

空抱丹心閱歲華秋風辛苦作叢花流蘇影拂瓊帷重
絡索香搖寶髻斜酸酸疑飛邛井火軒軒似散洛川霞
稻含狀在無人識一任黃蜂放兩衙

太霞山館詩稿

卷二

三

獨夜

風筠蕭瑟響疎籬獨夜秋堂引睡遲清露似零羈客泪
新蟾慣作美人眉世途愈隘歸心切天氣微寒病體知
白髮滿頭猶只爾向來應負碧山期

窻前植馬蓼數枝七八月間幽花簇簇引人秋思
枝枝馬蓼勝香苙逗得秋容到小牕最是晚涼新雨過
碧花紅穗似空江

中秋

良宵樽酒異鄉同痛飲狂歌興未窮明月三更沉薄靄
閒愁一夜付秋蟲聲飛羌笛關山遠葉落洞庭天地空

秋夜夢故園木犀盛開早起感懷有作

羈客本無寐况當秋夜長開門見殘月的的映林霜因
憶昨宵夢似曾歸故鄉如何復留滯孤負木犀香

周二惠桃賦謝

雁影剛過顯顯紅擎來似出海山東味含五夜金莖露
香帶三春玉洞風應笑東方偷始得非因西度食還同
殷勤愧乏瓊瑤報祇有餘甘沁寸衷

得里中親友書

衡陽峰畔雁來初迢遞關河一紙書故里親朋勞問訊
太霞山館詩稿

卷二

三

天涯風雨感離居秋深湘浦蒼葭老夢斷雲江白髮疎
惟有西樓前夜月嬋娟同照碧窻虛

得周藕農林石笥都下書寄懷

重疊雲箋感別離一緘剛到晚秋時江魚朔雁長相背
楚樹燕雲雨不知幸舍俱彈馮煖缺良宵誰倒孔融厄
料應綿竹曾成頌何日聲名上玉墀

短歌行擬顧逋翁二首

城上草昔纔如茵今已槁離邊菊昔未含苞今已馥春
茂秋榮各有時玉瑄潛吹氣互移丹霞爛爛散瓊宇白
露裊裊下玉墀我欲望月月已缺我欲看花花已落我

欲登山山有虎我欲渡海海有鯨
江頭春草年年發王孫不歸芳已歇
黃鵠高飛從西來暮雲無際楚天濶

其二

新織鴛鴦雙文綺爲君裁寄合歡被
我心纏綿君不知君身一轉一懷思
一天哀響過鷺鴻楚岫寒烟暗綺櫳
美人獨處怨遙夜泪零明鏡悲秋風
秋風苦秋蛩悲日苦速夜苦遲憂人擁枕不能寐
落葉旅魂相向飛

行路難

君不見瀉汞成珠不勝絡裁霞作衣豈堪著
莫持熱面向時人俗骨如水烘易燥
桃枝接在梅樹根明歲花開太霞山館詩稿
卷二
三
寶亦酸萬物稟氣從其本山雞那得生
祥鸞行路難到處皆蜀道有酒當前不徑醉
鏡中坐見紅顏老

暮秋感興二首

海思雲愁有萬端腸如束竹不容寬
名心已似吳江冷世路眞如蜀道難
檐雨亂垂鄉泪密牕風輕颭客吟寒
近來萬事蹉跎盡每爲飛鴻倚闌

孤客無歡日似醒底須樽酒說宜城
依人我每憐王粲作賦誰能薦馬卿
湘浦去帆江樹隱衡陽歸雁暮雲平
由來楚客多哀怨一曲長歌萬古情

瀟湘樓懷端木鶴田

瀟湘樓下瀟湘渡
湘烟漠漠暗江樹
落日登樓不見君
聞君已返芝田路
江中忽見雙鯉魚
我欲因之寄素書
袖得素書無別語
兩字相思恨有餘

· 搖落

關山正搖落
風雨更模糊
天意凋汀芷
秋聲雜井梧
愁多雙髻換
客遠一心孤
夙願何時了
扁舟泛五湖

登樓

漫同王粲賦登樓
轉眼時光急
浪流易覓神
方醫小疾
大霞山館詩稿卷二

岳

難翻靈浦洗
牢愁短檠長
欽尊前夜紅樹
青山夢裏秋
欲採芙蓉渺烟水
西風吹雨過汀洲

題蔣徵士濂厚山心竹軒詩集並以寄柬

楚澤栖遲老杜蘅
一編今喜見元卿
語如嶽石盤空硬
神其湘波澈底清
獨抱遺徽扶大雅
別裁偽體闡真情
連宵孤館篝燈讀
禁得秋蛩不敢鳴

詩家輩行合相推
况旺風規亦我師
漢代科名斯鄭重
湘干文物故清竒
芳洲宿莽誰當攬
碧沼新蓮想更滋
何日經過從二仲
竹林深處證襟期

君於嘉慶丙辰舉孝廉方正見主濂

屹然一峯何崔巍莊嚴七級層霄開神龍到此一控厭
欲去不去頭爲迴我來正值窮秋節四壁西風吹颯颯
拾級直登最上層放眼乾坤此空濶自歎隻身寄南楚
江山信矣非吾土孤客憑高易感傷東望鄉關泪如雨
客中歲月幾推遷舉頭見月廿回圓鴻雁南天飛不到
尺書誰向雲中傳男兒四十猶貧賤落拓他鄉誰所念
廓落易悲宋玉秋激昂漫鼓馮驩劍山城如斗愁難貯
况閉衙齋如處女落葉滿階掃不開寒蛩入夜啼偏苦
茲晨乘興來荒郊閒遊聊用畔牢騷却喜登臨足佳處

太霞山館詩稿

卷二

五

去天尺五高復高仰首問天天不語白榆應歷若可數
躡足似有白雲扶舉手欲扳紅日駐嘗聞天有極樂天
愁魔到處如飛烟金童調笙玉女舞花間一醉三千年
我欲乘風叩金闕暫乞玉皇居一月又恐愁人命合愁
蒼龍守關開不得吁嗟乎丈夫意氣橫八埏不能卿相
卽神仙天生我才會有用詎愁餓死荒山巔遇合人生
原有數翁子成名亦遲暮英豪虎變愚不知底須殉節
甘萍萬歸去來兮田有廬教子躬耕還讀書黃鵠高飛
萬里外卑栖鷄雀安足俱長歌急調聲苦哀悠悠者誰

知我懷擬攜揚子凌雲賦日向層霄誦幾回

旅愁如瘴著人迷共上江樓百尺梯
葦岸鷺翻秋水澗
楓林鴉弄夕陽低
勞生每惜仍爲客
舊畝何緣更踏犁
且喜高陽多酒伴
好拚一飲醉如泥

飛觀

飛觀俯城東
湘流曲曲通
寒林還夕照
敗葉已秋風
競食憐庭雀
傳書憶渚鴻
何當上衡岳
一覽楚山空

徐香莊贊府惠畫賦謝

暖風一夜逗書帷
似向園林次第窺
潑墨顛休誇米芾
寫生妙不減徐熙
氣吞罷虎雄由昔
筆走龍蛇老更奇
太霞山館詩稿卷二
三
祇恐通靈還化去
蕭齋長護月明時

題香莊贊府畫八首

霜催雪壓歷艱辛
纔許開花占早春
妙手卽今爲寫照
依稀如見傅巖人

梅

舉宏韋偃久不作
誰寫拏雲百尺枝
想見崔公哦句罷
一庭寒影月明時

松

澧浦風涼動別愁
年年憔悴怨靈修
誰知楚客思公子
又抱馨香過一秋

蕙

荒籬短砌著秋光
世眼誰當重晚香
惟有高人偏愛惜

殷勤采頰上中堂

菊

瀟湘煙雨正漫漫
露泣風啼見幾竿
却憶故園書閣外
半山寒翠落朱闌

竹

蕭齋四壁悄無聲
一幅叢蕉著墨輕
只恐夜深寒雨過
滴殘鄉夢到天明

芭蕉

壓架垂垂絡索閑
玉光珠顆照書臺
何當釀作千升酒
博取涼州刺史來

葡萄

濃香濃豔冠羣姿
繪上雲箋影亦奇
却笑賞花花下客
有誰物色未開時

牡丹

擬古

翩翩九臯雀
珠泉安飲啄
一朝隨長風
遙集臨山閣
暫太霞山館詩稿

卷二

毛

息萬里心依依
遠相託食君糠粃餘
受君條繩絡終朝
彈古舌不辭聲嗚嗚
刺促爭一飽羽毛半
蕭索翻遭雞鷲輕
次第相嘲諤孤影照
瀟湘哀聲振林薄
飄飄欲東歸
朔風正搖落
誓當待春陽
高飛翔寥廓

寒月

風急葉鳴柯長空似鏡
磨月寒如此夜酒醞復
誰過天地皓無色瀟湘
靜不波寥寥越鄉客對
影更長歌

雪中感懷

楚山越水客程遙
卜斷歸期朝復朝
料得慈親倚望處
門前風雪正蕭蕭

送僕十八韻

館僮洪福侍余二載告歸泪下余亦黯然送之
以詩

萍梗雖殊跡飄零總一般
依人同失計事我更無端
兩載供驅使終朝乏便安
服勞能敬謹答語少欺謾
聽鼓調茶鼎伺明奉醞盤
硯汚煩屢滌書亂藉重攤
穎士才雖謝王褒約每寬
均爲衣食累忍作僕臺看
有過恒加恕無聊輒共歎
鶴糧分剩粒蛙饌沐餘餐
婢價何能倍歸心忽已攢
告辭偏泪落念別亦心酸
離合前緣定江湖後面難
儘教隨負夫免再逐征鞍
汝去謀誠得余留太霞山
館詩稿

卷二

美

蠟梅

東安一縣無梅花冬齋寂寞長咨嗟
奚奴忽擎一枝至驚喜意外來
瑤華誰知是梅却非梅素兒風格
珊珊來似將密蠟細雕鏤
幻作寒花滿樹開金光豔豔照寒月
夜半聞香轉清絕却夢故園修竹間
滿院橫斜綻黃雪除夕病中遣懷

飢來驅我到南荆
兩見湘干歲火明
窮節思鄉天萬里
孤衾擁病夜三更
心懼寒柝聲聲急
夢壓殘燈轉轉驚

此夕家人同守歲也應念遠動離情

元旦喜晴 丙子

曉鐘初報夢魂知又是新年入手時天爲元晨開霽色
人因久客斂愁眉桃符自寫宜春字柏葉誰斟賀歲卮
頗喜衙齋無一事依然閉戶靜哦詩

觀迎春作

報道東皇至青旛正入城遠峯明積雪近甸弄新晴花
信梅先拆春恩柳暗迎歸與懷列子便欲御風行

驚蟄日大雪

三日大風二日熱催得芳園花亂發東君更欲鬪狡獪
木霞山館詩稿 卷二 无

遍遣雪花飛六出繁英細蕊從空下鏤玉裁瓊連夜化
蟄蟲捫戶不敢開賓雁啟行復迴駕寒梅已落開更重
棠梨未蕊先滿叢穠李甘心讓眞白天桃低首斂輕紅
初疑蟾宮鸞樹開常娥亂折擲九垓又疑玉京寶林放
天女隨風散四望從朝至夕無休歇如撒如篩飄以忽
果然滕六好身手萬戶裝成白玉闕我欲效耿先生燒
作銀依人豈致伯鸞貧又欲效東先生羅作麪嗟來免
受黔敖賤不然直同林邑國人織成布應少西華泣行
路不然卽比秦樓簫史鍊爲粉亦博佳人一笑晒省得

沉厓沒谷白磷磷被人輕踐如飛塵普令天下孤寒土

一洒愁歎全天眞其奈天公偏苦吝徒將玉戲欺寒畯
一朝義馭盡收還更把餘華拂雙髻忍寒試上高臺望
依然綠水浮山光天桃大喜穠李樂重迴笑臉俛東牆
感懷
白髮如絲兩髻垂青衫落拓尙天涯朋歡別久清言邈
家信來稀噩夢疑一飯何思成古誼千金結客乏新知
却喚阮籍無先識直到窮途哭已遲

孤雀三十二韻

憶別青田水來翔紫蓋雲薛公圖已肖裴令乞尤勲冀
觀圖方勢還尋鸞鳳羣飛聲依嶽颯拭翰挹湘沍漱丐
太霞山館詩稿卷二

手

溪蓮馥眼沾沉芷芡芡江湖抒夙抱林館護新旣那料仙
姿貴翻撈鷄網勞樊籠牢閉置鞭箠日紛紜調以纖兒
惹嚇之腐鼠葷喚將雞作隊嘲匪雁能耘護鼎防偷藥
聽著遣逐蟲新恩矜解樹宿欵忘鄉榜識字眞爲累啣
珠枉用慰探符官料薄拾蠹隸材曠誰餉潭臯粟長餐
夢澤芹華軒甯許乘清角幾曾聞獨立從鳶詢閑行避
犬信徘徊仍念舊顛顛似從軍顧影臨池久思鄉立月
勤故巢違碧海昨夢記芳芸怨別聆琴操鳴陰感易文
霞蒸朱頂瘦雪惋素襟分欲返翎經鐵姑留趾復數回

頭懷舊雨矯翼悵斜曛本有凌霄志奚勝斷脛斤三年

淹北渚萬里待南薰辛苦須誰憫且藏却自欣舞羞伴
客玩語不爲身云露白心常警雲青望倍殷瓊梯標紫
府珠樹茂丹氛控駕期王子含情託鄂君田饒行舉矣
看展羽儀勳

春日野步

韶光一半雨中過湘岸新晴客興賒春水斷橋人喚渡
夕陽深巷柳飛花漁歌唱晚歸前浦樵斧攜雲上古楂
燕子已來寒食近却因流覽重思家

客思

芳景客殊鄉殊鄉又夕陽桃花苦無賴飄落過東牆

太霞山館詩稿

卷二

三

春寓感懷

四十潘郎髻似銀空齋仰屋惜勞身松窓對月常忘夜
客郎看花不算春約伴有時來野寺懷人何處采芳蘋
思量三載眞無謂浪作天涯旅食人
蹤跡無端歎轉蓬可憐身是可憐蟲湘南春冷常多雨
舍北花殘只任風巢幕頻年同越乙傳書何處覓燕鴻
武侯臺上時翹首家在層雲東復東

鄉信全稀旅思驚東風吹夢落江城容如滿月朝朝減
愁共春蕪處處生謾說養心惟寡慾定知累我是多情
援琴欲鼓勞人操澀不成聲泪已橫

芳園風雨又春闌處處鷓聲入耳醉杜牧風懷多悵惋
孟郊詩句苦清寒原知文弱難禁病奈聽時艱竊廢餐
只有醅醕堪送日尋常莫放酒盃寬

送人歸里

萬里同爲客三春獨早歸歌鶯催別酒落絮繞征衣湘
雨寒猶積江帆去若飛尺書勞遠達一問釣魚磯

暮春寓齋聞樂

無聊其奈落花朝一向齋閉寂寥歲歲依人如社燕
重重結恨似芭蕉羈心久看衡山月歸夢猶懸越海潮
正是傷春復傷別忍聽金管隔鄰調

太霞山館詩稿

卷二

三

杪春飲鄧氏宅賞花觀劇醉後戲作

羈人愁緒亂如麻那得新詩贈物華鄉信久同烏賊券
世情偏重鼠姑花筵翻歌曲傳金縷幔卷山光映玉叉
我爲傷春心早醉不勞纖指勸流霞

春暮苦雨

淘盡韶光不肯晴芳園淒斷更無鶯綠波恨別他年夢
紅雨傷春昨夜情小漏時防書案濕餘寒慣侮客衣輕
虛檐莫悟羈人意更作空江急浪聲

阿環

再拜影庭問起居瓊函十二出清都茅君雖是神仙侶

能抵... 信無

王女

一熟蟠桃費萬霜五枚只許餉劉郎那勾窺牖兒偏點
已被三回暗盜將

龍女

風鬢霧髻不勝粧屈向涇川但牧羊可合神姝遭小劫
三年憔悴尙風霜

初晴登瀛橋晚望

經旬長苦雨不分有晴光遠岫浮新綠空波泛夕陽水
禽閒弄影岸草靜聞香坐羨鯨魚樂濠梁興不忘

太霞山館詩稿卷二

三

見月

多時不見月此夜一輪明恰似才相識偏教倍有情家
山應共照高閣獨先明誰念南飛鵲依依繞樹驚

晨鐘

蒲牢百八寺樓鯨孤枕鰓鰓數得清爲問雙棲梁上燕
可能無夢聽鐘聲

憚

四男董盼

恬

甥孫盧齊瑋

惕

曾孫國鈞仝校

悅

